




DS
735
A2W8
19--
V.26



尺木堂綱鑑易知錄卷五七

周之炯靜專

通鑑綱目定本

山陰吳乘權楚材同輯

周之燦星若

唐紀

穆宗皇帝

名恆憲宗太子在位四年因服金丹而崩
壽二十歲○蒙已成之業而不能保固是

再失河朔迄於
唐亡不能復取

綱 辛丑穆宗皇帝長慶元年春正月詔河北

見五十五卷三十

諸道各均定兩稅

見五十三卷七

綱 蕭俛罷**綱** 段文昌罷以

杜元穎如晦五世孫同平章事。綱以王播為鹽鐵使。綱盧

龍治直隸永平府節度使劉總見上卷棄官為僧卒於定州以張

弘靖代之。綱夏四月。貶錢徽李宗閔為遠州刺史。楊

汝士為開江今四川夔州府開縣令。置牛李之黨成。綱翰林

學士李德裕吉甫之子也。以中書舍人李宗閔嘗對

策譏切其父。恨之。宗閔又與翰林學士元稹爭進取

有隙。右補闕楊汝士與禮部侍郎錢徽掌貢舉。西川

治四川成都府節度使段文昌翰林學士李紳各以書屬祖

所善進士。及榜出。二人所屬皆不預。而鄭覃弟朗裴

牛李黨

錢徽不奉
弘書
二李各分
明露

度子譔宗閔壻蘇巢汝士弟殷士及第文昌言於上
曰今歲禮部殊不公所取皆以關節得之上以問諸
學士德裕稹紳皆以為然上乃命覆試黜朗等十人
而貶徽等或勸徽奏二人屬書上必寤徽曰苟無愧
心得喪一致奈何奏人私書豈士君子所為邪取而
焚之時人多之自是德裕宗閔各分明黨更相傾
陷也勢相傾也以垂四十年綱秋七月盧龍軍亂囚
節度使張弘靖推朱克融為副後目幕僚韋雍出逢
小將葉馬衝其前導雍命杖之不服雍白弘靖繫治

之。是夕士卒連營呼謀作亂。因弘靖殺雍等。迎朱克

融。涪之孫劉為監後。衆以判官張徹長者不殺。徹罵

曰。汝何敢反。行且族滅。衆共殺之。**綱**貶張弘靖為吉

州。今江西吉安府刺史。**綱**成德兵馬使王庭湊殺節度使田

弘正。起復田布為魏博節度使討之。**綱**入皆譏也。惟

田布無**綱**初田弘正自魏今直隸大名府博今山東徙鎮成

德。今直隸真定府自以久與鎮鎮州即真定府人戰有父兄之仇。乃

以魏兵二千自衛。請度支見四四供其糧。賜戶部侍

郎崔俊稜去剛。福無遠慮。恐開事例。不肯給。弘正不

李愬素服
流涕

李愬還牛
元翼寶劍
玉帶

得已遣魏兵歸都知兵馬使王庭湊果悍陰狡潛謀
作亂以魏兵故不敢發及魏兵去夜結牙兵殺弘正
自稱畱後魏博節度使李愬聞變素服流涕令將士
曰魏人所以得通聖化安寧富樂者田公之力也今
鎮人不道輒敢害之是輕魏以為無人也諸君受田
公恩宜如何報之衆皆慟哭深州今真定府刺史牛元
翼成德良將也愬使以寶劍玉帶遺去之曰昔吾先
人愬父以此創立大勳吾又以之平蔡州見上卷十九今
以授公弩力翦庭湊元翼以劍帶徇行示於軍報曰

願盡死。會愬疾作。不果出兵。乃起復田布。弘正為魏

博節度使。討之。**綱**詔諸道討王庭湊。以牛元翼為深。

兩稅皆輸布絲纈

冀。今冀定節度使。庭湊圍深州。**綱**九月詔兩稅皆輸

布。絲纈。綿也。**綱**自定兩稅法。見五三以來錢日重。物

日輕。民所輸三倍其初。戶部尚書楊於陵言。錢者所

以權百貨。貨遷有無所宜流散。不應蓄聚。今稅百姓

錢藏之公府。又開元。玄宗中天下鑄錢七十餘爐。歲

入百萬。今纔十餘爐。歲八十五萬。又積於富家。流入

四夷。如此。則錢焉得不重物。焉得不輕。今宜使天下

裴度請馳
元稹魏弘
備

輸稅課者。皆用穀帛。廣鑄錢。而禁滯積。及出塞者。則
錢日滋矣。從之。○**綱**冬十月。以王播同平章事。○**目**播為
相。專以承迎為事。未嘗言國家安危。○**綱**以裴度為鎮
州。見行營都招討使。○**綱**以魏弘簡為弓箭庫使。元稹
為工部侍郎。○**目**翰林學士元稹。與知樞密魏弘簡相
結。求為宰相。由是有寵。○**綱**無怨於裴度。但以度先達
重望。恐其復有功。大用妨己進取。故度所奏軍事。多
與弘簡從中沮之。度上表曰。河朔河北逆賊。祇亂山
東。禁聞奸臣。必亂天下。是則河朔患小。禁聞患大。小

者臣與諸將必能翦滅大者非陛下覺寤制斷無以驅除臣蒙陛下委付之意不輕遭姦臣抑損之事不少但欲令臣失所而於天下理亂山東勝負悉不之顧若朝中姦臣盡去則河朔逆賊不討自平若姦臣尚存則逆賊縱平無益表三上上雖不悅以度大臣不得已罷弘簡樞密解穰翰林而恩遇如故綱十二月深州行營節度使杜叔良討王庭湊大敗詔以李光顏代之綱以朱克融為平盧節度治山東青州府使請赦克融專討庭湊上從之

韓愈宣慰
成德軍

綱壬寅二年春正月魏博見上將史憲誠殺其節度

使田布詔以憲誠為節度使綱二月以王庭湊為成

德節度使遣兵部侍郎韓愈宣慰其軍王庭湊圍牛

元翼於深州見上官軍三面救之皆以乏糧不能進雖

李光顏亦閉壁自守朝廷不得已以庭湊為成德節

度見上使而遣韓愈宣慰其軍詔愈至境更觀事勢

勿遽入愈曰止君之仁死臣之義遂往至鎮庭湊拔

刃弦弓以逆迎也之及館甲士羅於庭庭湊言曰所以

紛紛者乃此曹輩也所為非庭湊心厲聲曰天子以

韓愈責王
廷陳

韓愈諡成
德甲士

尚書有將帥材。故賜之節鉞。不知尚書乃不能與健。

兒語邪。甲士前曰。先太師謂王武俊。庭湊。武俊義子。為國擊走朱

滔。見五四卷十二。血衣猶在此軍。指成德軍。何負朝廷。乃以為賊。

乎。愈曰。汝曹尚能記先太師。則善矣。夫逆順之為禍。

福。豈遠邪。自祿山。安祿山。思明。史思明。以來。至元濟。吳元

師道。李師道。其子孫有今尚存者乎。田令公。田弘正。以魏

博歸朝廷。子孫孩提皆為美官。元和十四年。田弘正入朝。憲宗以弘正兼

侍中。遣還鎮。弘正恐一旦物故。魏人猶以故事繼襲。故兄弟子姪皆仕諸朝。上皆擢居顯列。朱紫盈庭。

王承元。承宗弟。以此軍歸朝廷。弱冠建節。元和十五年。王承宗卒。其

下欲立承元。承元時年二十，不許表請除。劉悟、李祐
帥，詔以田弘正為成德帥。承元移鎮義成，劉悟、李祐
皆為節度使。汝曹亦聞之乎？庭湊恐衆心動，麾之使
出。謂愈曰：「侍郎來欲何為？」愈曰：「神策。」見五五諸將如
牛元翼者不少，但朝廷顧大體不可棄之耳。尚書何
為圍之不置？庭湊曰：「即當出之。」因與愈宴禮而歸之。
未幾，元翼將十騎突圍出深州。

遂昌尹氏曰：朱克融首亂河朔，王庭湊史憲誠繼之。朝廷皆不能討，因授節鉞。田弘正父子盡忠守正，皆死於賊。綱目比書於冊，則唐室紀綱為可知矣。韓愈宜慰之行，殆與顏真卿無異而偶得免死者亦幸焉耳。觀其詰責庭湊之詞，簡嚴切直。至今凜凜猶有生氣，寧自預知不死其

忠懷大節如此而世或童顏真卿見五
以文士視之則非矣

註三卷二二

綱崔植罷以元稹同平章事綱以裴度為司空東都

留守元稹怨裴度欲解其兵柄故勸上雪王庭湊

而罷兵以度為司空平章事東都今河南府留守諫官

裴度有弟
相全才

爭上言時未偃兵度有將相全才不宜置之散地上

乃命度入朝綱以李聽為河東節度使目初聽為羽

林見五五將軍有良馬上為太子遣左右諷求之聽

李聽不
良馬

以職總親軍不敢獻及河東見上卷缺帥上曰李聽

不與朕馬是必可任遂用之綱三月詔畱裴度輔政

王播罷。夏四月，詔免江州今江西九江府逃戶欠錢。

州刺史李勣之請也。六月，裴度罷為右僕射。夜，元稹罷為同

州今陝西西刺史。有李賞者告于方為元稹結客刺裴度，事皆無驗。度及稹皆罷相。

以李逢吉同平章事。冬十一月，太后幸華清宮。

上畋于驪山。見下十二月，立景王湛為皇太子。

癸卯三年春三月，以牛僧孺同平章事。戶部侍

郎牛僧孺素為士所厚，至是遂以為相。時僧孺與李

德裕皆有入相之望。德裕出為浙西治浙江杭州府觀察使。

八年不遷，以為李逢吉排已而引僧孺，由是怨愈深。

牛李之怨愈深

綱夏四月以鄭權為嶺南節度使。翼城今山西平陽府翼城

縣人鄭注巧諂傾詔善揣人意以醫遊四方李愬解

其藥頗驗嘗為牙推官名浸預軍政妄作威福軍府患

之監軍王守澄請去上聲之愬曰注奇才也將軍試與

之語苟無可取去之未晚乃使注見守澄守澄不得

已見之坐語未久大喜促膝恨相見之晚守澄入知

樞密挈注以西薦於上上亦厚遇之自上有疾守澄

專制國事勢傾中外注日夜出入其家與之謀議人

莫能窺其迹始則微賤巧宦之士或因以進數年之

促膝恨相見之晚

鄭注奇才

柳公綽詩
舞吏吏

後達官車馬滿其門矣。工部尚書鄭權家多姬妾祿

薄不能贍。因注通於守澄以求節鎮。遂得嶺南。治廣東

州。綱五月以柳公綽為山南東道。治湖廣襄陽府節度使。綱

公綽過鄧縣。今河南南陽府鄧州有二吏一犯賊一舞文。舞文

也。眾謂公綽必殺犯賊者。公綽判曰。賊吏犯法法存。

姦吏亂法法亡。竟誅舞文者。綱六月以韓愈為京兆

尹。綱愈為京兆。見四八卷六六軍。見五二卷二五不敢犯法私相

謂曰。是尚欲燒佛骨。何可犯也。綱秋八月以裴度為

司空。山南西道。治陝西漢中府節度使。綱李逢吉惡度出

唐穆宗

山南不兼平章事。綱九月復以韓愈為吏部侍郎李紳為戶部侍郎。目李逢吉結王守澄勢傾朝野惟翰林學士李紳常排抑之逢吉患之而上遇紳厚不能遠也。會御史中丞缺逢吉薦紳清直宜居風憲之地上以中丞亦次對官可之。會紳與京兆尹韓愈爭臺參文移往來辭語不遜逢吉奏二人不協以愈為兵部侍郎紳為江西治江西南昌府觀察使愈紳入謝上問其故乃寤故有是命。

綱甲辰四年春正月帝崩太子即位。目上餌金石之

藥處士張臯上疏曰神慮澹則血氣和嗜慾勝則疾

疹疾作藥以攻疾無疾不可餌也先帝信方士妄言

餌藥致疾豈得復循其覆轍乎上善其言而求之不

獲既而疾作命太子監國是夕上崩敬宗即位綱二

月貶李紳為端州今廣東司馬李逢吉等綱尊皇太

后為太皇太后上母王妃為皇太后綱幸中和殿擊

毬綱自是數游宴擊毬奏樂賞賜宦官樂人不可

悉紀綱三月以劉栖楚為起居舍人不拜書不

美栖楚也若栖楚上視朝每晏左拾遺劉栖楚進言

綱監易和泉卷五二唐穆宗

列傳

曰陛下富於春秋嗣位之初當宵衣求理而嗜寢樂

色日晏方起梓宮

見二卷八

在殯鼓吹日喧令聞

聞

未

彰惡聲遐布臣恐福祚之不长請碎首玉階以謝諫

職之曠遂以額叩龍墀

池墀地也

見血不已響聞閣

外上命中使宣慰令歸尋擢栖楚為起居舍人栖

楚辭疾不拜

綱

夏四月以李虞為拾遺**目**李逢吉用

事所親厚者張又新李仲言李虞劉栖楚等八人又

有從而附麗之者時人目之為八關十六子

李逢吉遣從子

訓路鄭注結王守澄其黨有張又新李仲言李虞劉栖楚李續張權輿程昔範姜洽八人而附會者又八

人皆任要剽故綱五月以李程實易直同平章事綱

六月加裴度同平章事綱夏今陝西受今陝西延安

節度使李祐進馬百五十四却之綱侍御史溫造彈

祐違敕進奉三月詔諸道常貢請論平聲論如法

詔釋之祐謂人曰吾夜半入蔡州城取吳元濟見上

今日膽落
於溫御史

十未嘗心動今日膽落於溫御史矣綱冬十月賜韋

處厚錦綵銀器發不用其言而厚其賜要當辭而不

貨之也焉有君子而可以綱翰林學士韋處厚諫上

宴遊曰先帝以酒色致疾損壽臣時不死諫者以陞

下年已十五故也。今皇子纔一歲。臣安敢畏死而不

諫乎。上感其言。故有是賜。**綱**十一月葬光陵。在西安府蒲城

縣堯山**綱**十二月以劉栖楚為諫議大夫。

敬宗皇帝。名湛。穆宗太子。在位二年。為宦官所弑。壽十八歲。帝昏童失德。自殞其身。宜哉。

綱乙巳。敬宗皇帝寶曆元年春正月。赦**國**先是鄂戶

崔發擒曳中使

今陝西西安府鄠縣令崔發聞五坊。見五五卷十七人毆百姓。命擒以

入曳。葉○拖也之於庭。詰之。乃中使也。上怒。收發繫臺

獄。是日與諸囚立金雞下。唐百官志。赦日植金雞於仗內。竿長七尺。上有雞高

四尺。黃金飾首。銜幡長七尺。盛以絳繩。集百官父老。因徒於闕下。令衛尉樹金雞。宜制訖。乃釋之。忍

金雞

有品官數十人執挺庭上聲亂捶發氣絕數刻始蘇

詔復繫之給事中李渤上言縣令曳中人中人毆御

囚其罪一也然縣令所犯在赦前中人所犯在赦後

中人橫暴若不早正刑書臣恐四夷藩鎮聞之則慢

易之心生矣諫議大夫張仲方亦上言曰鴻恩將布

於天下而不行御前肅澤徧被於昆蟲而獨遺崔發

上皆不聽李逢吉從容言於上曰崔發輒曳中人誠

大不敬然其母年垂八十自發下獄積憂成疾陛下

方以孝理天下所宜矜念上乃愍然曰比諫官但言

發寃未嘗言其不敬亦不言有老母如卿所言朕何

為不赦之即命中使釋其罪送歸家仍慰勞其母母

對中使杖發四十綱牛僧孺罷為武昌節度使目牛

僧孺以上荒淫廢幸用事又畏罪不敢言但累表求

出乃升鄂岳見上卷三為武昌軍以僧孺為節度使僧孺

過戈襄陽見上入山南東道節度使柳公綽服藥見上卷二二

候於館舍將佐曰襄陽地望地位名望高於夏口見三二卷十八

此禮太過公綽曰奇章公僧孺封奇章郡公甫離台席方鎮

重宰相所以尊朝廷也竟行之綱二月浙西見上卷七觀

柳公綽服藥候牛僧孺

唐書

案使李德裕獻丹展六箴

書法見四九卷大

上遊幸無常

眈

銀入比也親密

羣小視朝月不再三大臣罕得進見

德裕獻丹展

展畫斧屏風以絳為質故曰丹展天子南嚮而立於其中六箴箴諫之

辭古者君有過臣子作箴以誡之

一曰宵衣以諷視朝稀晚二曰正

服以諷服御乖異三曰罷獻以諷徵求玩好去聲四曰

納誨以諷侮棄讜言五曰辨邪以諷信任羣小六曰

防房微以諷輕出遊幸上優詔答之綱秋七月鹽鐵

使王播進羨餘絹百萬匹綱造競渡船目詔王播造

競渡船二十艘計用轉運半年之費張仲方等力諫

王播進羨餘
是競渡船

乃滅其半。**綱**八月昭義節度治山西洛安府使劉悟卒。**綱**冬

十一月幸驪山溫湯。**目**上欲幸驪山溫湯。見五十卷二華清宮

左僕射李絳諫議大夫張仲方等屢諫不聽。拾遺張

張權輿陳幸驪山溫湯

權輿伏紫宸殿下叩頭諫曰昔周幽王幸驪山而為

湯

犬戎所殺。見三卷秦始皇幸驪山而國亡。見八卷玄宗

幸驪山而祿山亂。見同先帝幸驪山而享年不長。見上

驪山若此之凶

上曰驪山若此之凶邪我宜一往以驗彼言幸溫

叩頭之言安足信

湯還謂左右曰彼叩頭者之言安足信哉。**綱**十二月

以劉從諫悟之子為昭義副後。**綱**以李絳為太子少師

分司。曰僕射李絳好直諫。李逢吉惡之。至是以絳有

足疾。出之東都。

今河南河南府

綱丙午二年春二月。以裴度為司空同平章事。曰言

事者多稱裴度賢。不宜棄之。藩鎮見上上數朔遣使

勞去聲問度。因求入朝。逢吉之黨大懼。百計毀之。先是

民間謠云。緋衣小兒坦其腹。蓋裴度二字也天上有口被驅

逐。謂擒吳元濟也又長安城中有橫互六岡。如乾象。度宅偶

居第五岡。張權輿上言。度名應圖讖。宅占岡原。不名

而來。其旨可見。主雖年少。悉察其誣謗。待度益厚。度

張權輿誣謗

裴度識量

裴度諫幸東都

至京師。復知政事。左右忽白失中書印。聞者失色。度飲酒自如。頃復白已得之。度亦不應。或問其故。度曰。此必吏人盜之以印書券耳。急之則投諸水火。緩之則復還。故處人服其識量。**綱**三月。罷脩東都。**目**上欲幸東都。諫者甚衆。上皆不聽。已使按脩宮闕。裴度從容言曰。國家本設兩都。以備巡幸。然自多難以來。宮闕營壘。百司廨舍。介舍官舍也率已荒弛。陛下儻欲行幸。宜命有司徐加完葺。然後可往。上曰。從來言事者。皆云不當往。如卿所言。不往亦可。乃數罷之。**綱**秋九月。

宦官弒立
再覓

李程罷為河東

見上

節度使

綱冬十一月

李逢吉罷

綱十二月宦官劉克明等弒帝于室內立絳王悟王

守澄等討克明殺悟立江王涵

唐書

唐世宦官弒君
立君再見於此

目

上遊戲無度狎暱

銀入

羣小善擊毬好手搏又好深

夜自捕狐狸性復褊急宦官小過動遭捶撻皆怨且

懼夜獵還宮與宦官劉克明擊毬軍將蘇佐明等二

十八人飲酒上酒酣入室更衣

新

殿上燭滅克明等

弒帝於室內克明矯稱上旨命學士路隋草遺制以

絳王悟權勾

構

當軍國事又欲易置內侍之執權者

於是樞密使王守澄楊承和中尉魏從簡梁守謙定

議以衛兵迎江王涵入宮發左右神策見五五飛龍

見五十六兵進討賊黨盡斬之絳王為亂兵所害明日

江王即位更名昂是為文宗

我度處之
猶如此

華陽范氏曰裴度位為上相安危所繫若戡不討賊君立不預謀二日之間宦者三易主而不關幸相唐之紀綱於是大壞以度之勲德處之猶如此而能不賢者乎

綱尊母蕭氏為皇太后以韋處厚同平章事**綱**出

宮人放鷹犬省冗食罷別貯宣索**綱**上自為諸王深

知兩朝之弊及即位勵精求治去奢從儉詔宮女非

有職事者出三千餘人放五坊見上鷹犬省教坊見

八卷六。總監冗食千二百餘員近歲別貯錢穀悉歸之

有司宜索組繡彫鏤見十二卷二十七之物悉罷之敬宗之世

每月視朝不過一二上始復舊制每奇雞日視朝對

宰相羣臣延訪政事久之方罷待制官舊雖設之未

中外翕然
相賀

嘗名對至是屢蒙延問中外翕然相賀以為太平可

冀

文宗皇帝

初名涵更名昂穆宗第二子初封江王為
宦者所立。在位十三年壽三十二歲而崩

帝優游不斷受制家奴雖育好
賢之心文雅之美皆不足稱也

綱丁未。文宗皇帝太和元年夏四月。韋處厚請避位。

不許。上雖虛懷聽納。而不能堅決。與宰相議事已

定。討復中變。韋處厚於延英殿極論之。因請避位。上

再三慰勞之。綱六月。以王播同平章事。秋七月。葬

莊陵。在西安府三原縣

綱戊申二年春三月。親策制舉人。書法見十卷九綱自元

和憲宗之末。宦官益橫。建置天子在其掌握。威權出

人主之右。人莫敢言。賢良方正劉蕡對策。極言其

禍。其略曰。陛下宜先憂者。宮闈將變。社稷將危。天下

文宗策士
失劉蕡

曹節侯覽
復生

將傾海內將亂。又曰。陛下將杜篡弑之漸。則居正位。

而近正人。遠刀鋸。謂宦官刑餘之人。之賤。親骨鯁。見九卷之二。

直輔相得以專其任。庶職得以守其官。奈何以褻近

五六人。總天下大政。禍稔蕭牆。姦生帷幄。臣恐曹節

見二十四侯覽。見二十四卷十三。復生於今日。又曰。忠賢無腹心

之寄。閣寺也。宦官。恃廢立之權。陷先君不得正其終。致

陛下不得正其始。又曰。陛下何不塞陰邪之路。屏

褻狎之臣。制侵陵迫脇之心。復門戶掃除之役。唐初定制。

內侍省不置三品官。不任以事。戒其所宜戒。憂其所

惟門閤守衛庭內掃除而已。

劉蕡下第

李邵登第

宜憂又曰陛下誠能揭國權以歸相持兵柄以歸將則心無不達行無不平矣考官散騎常侍馮宿等見蕡策皆歎服而畏宦官不敢取裴休李邵杜牧崔慎田等二十二人中第皆除官物論譁然稱屈李邵曰劉蕡下第我輩登科能無厚顏乃上疏曰蕡所對策漢魏以來無與爲比今有司以蕡指切左右不敢以聞恐忠良道窮綱紀遂絕況臣所對不及蕡遠甚乞回臣所授以旌蕡直不報

綱

冬十二月。中書侍郎同

平章事韋處厚卒

韋宰相卒具官予賔也終唐世三
人馮崔祐甫李泌韋處厚舍是

無書者矣。綱以路隋同平章事。

綱己酉三年秋八月以李宗閔同平章事。徵李德

裕見上為兵部侍郎。裴度薦以為相。肅宗閔有宦官

之助。遂以宗閔同平章事。宗閔惡德裕逼已。出之滑

州。見上卷綱九月命宦官毋得衣去聲紗縠解綾羅。綱

上性儉素。聽朝之暇。惟以書史自娛。魚聲樂遊畋未

嘗留意。駙馬韋處仁著灼次羅巾。上謂曰。朕慕卿門

地清素。故有選尚。選擇而如此巾服。聽其他貴戚為

之。卿不須爾。綱冬十一月。禁獻奇巧及織纖麗布帛。

文宗戒著次羅巾

宗廟祭祀
之數

綱庚戌四年春正月以牛僧孺同平章事。且李宗閔

引僧孺為相。相與排擯李德裕之黨稍稍逐之。綱夏

六月以裴度為司徒平章軍國重事。且度以老疾辭

位。故有是命。仍詔三五日一入中書。綱秋七月以宋

申錫同平章事。且上憲宦官彊盛。元和憲宗寶曆敬宗

年逆黨猶在。而中尉王守澄尤專橫。嘗密與申錫言

之。申錫請漸除其偏。上以申錫沉厚忠謹。可倚以事

擢為宰相。綱九月以裴度為山南東道治湖廣襄陽府節度

使。且初裴度往淮西討吳元濟。奏李宗閔為判官。由是漸

獲進用。至是怨度，薦李德裕。因其謝病出之。**綱**冬十

月，以李德裕為西川治四川成都府節度使。**目**蜀自南詔入

寇，一方殘弊。去年十一月南詔寇成都，陷其外郭，遂大掠子女百工數萬人及珍貨而去。

李德裕等南詔見四九卷末。德裕至鎮，作籌邊樓。在成都府治西。圖蜀地形，南

入南詔，西達吐蕃。在南詔西北。日召老於軍旅習邊事者

訪以山川城邑道路險易，廣狹遠近，未踰月皆若身

嘗涉歷。乃練士卒，葺堡鄣，積糧儲以備邊。蜀人粗安。

綱辛亥五年春三月，貶漳王湊為巢縣。今江南廬州府巢縣。

宋申錫為開州。今四川夔州府開縣。**目**上與申錫謀誅宦

官申錫引王璠煩為京兆尹以密旨諭之璠泄其謀

王守澄鄭注知之使人誣告申錫謀立漳今福建漳州府王

太宗上怒漳王申錫皆坐貶申錫竟卒於貶所綱夏

五月李德裕索南詔所掠百姓得四千人綱秋九月

吐蕃將悉怛謀以維州來降不受綱吐蕃維州今成都府

威副使悉怛謀請降盡帥其衆奔成都李德裕遣兵

據其城具奏其狀事下尚書省集百官議皆請如德

裕策牛僧孺以為不可上詔德裕以其城及悉怛謀

等悉歸之吐蕃吐蕃誅之於境上極其慘酷德裕由

是怨僧孺益深

綱壬子六年冬十月立魯王永為太子。綱十二月牛

僧孺罷為淮南節度使。西川監軍王踐言入知樞

密數胡為上言縛胡悉沮謀以快虜心。絕降者非計

也。上亦悔之。尤僧孺失策。僧孺內不自安。會上謂宰

相曰。天下何時當太平。卿等亦有意於此乎。僧孺對

曰。太平無象。今四夷不至交侵。百姓不至流散。雖非

至理。亦謂小康。陛下若別求太平。非臣所及。因累表

請罷。乃出鎮淮南。今江南揚州府

此太平之

司馬溫公曰君明臣忠上令下從俊良在位佞
邪黜遠禮脩樂舉刑清政平姦宄消伏兵革偃
戢諸侯順附四夷懷服時和年豐家給人足此
太平之象也于斯之時闢寺脇君於內藩鎮興
兵於外士卒殺逐主帥拒命自立軍旅歲興賦
斂日急而僧孺謂之太平不亦誣乎當文宗求
治之時僧孺位居丞弼進則偷安取容以
竊位退則欺君誣世以盜名罪孰大焉

綱以李德裕為兵部尚書**目**初李宗閔與德裕有隙

及德裕還自西川上注意甚厚朝夕且為相宗閔百
方沮之不能深以為憂京兆尹杜棕謂曰德裕有文
學而不由科第常用此為慊慊慊也若使之知舉則
可以平宿憾矣宗閔曰更思其次棕曰不則用為御

史大夫宗閔曰可矣。驚乃詣德裕告之。德裕驚喜泣下。寄謝重賚。踏宗閔復與給事中楊虞卿謀之事遂中止。

杜悰
陋文
饒

致堂胡氏曰李德裕志氣豪邁蓋以公輔自許人亦以是期之。今史氏以為聞大夫之命驚喜泣下豈有是哉。杜悰宗閔之黨也故為此語以陋文饒而史家取之司馬氏亦不削去誤矣。

綱癸丑七年春二月以李德裕同平章事。德裕入謝上與之論朋黨事。時給事中楊虞卿與從兄中書舍人汝士等善交結。依附權要。上聞而惡之。故與德裕言首及之。德裕因得以排其所不悅者。他日上復

給舍非美官而何

殷侑經術以鄭覃

言及朋黨。李宗閔曰：臣素知之。故虞卿輩臣皆不與美官。李德裕曰：給舍給事中及中書舍人非美官而何。宗閔失色。綱夏六月，以鄭覃爲御史大夫。綱初，李宗閔惡覃在禁中數言事，奏罷其侍講。上從容謂宰相曰：殷侑經術頗似鄭覃。宗閔對曰：覃侑經術誠可尚，然論議不足聽。李德裕曰：覃侑議論，他人不欲聞，惟陛下欲聞之，幸甚。後旬日，宣出除覃御史大夫。宗閔謂樞密使崔潭峻曰：事皆宣出，安用中書。潭峻曰：八年天子聽其自行事，亦可矣。宗閔愀惻然而止。綱李宗閔罷。

停進士試
詩賦

綱秋七月以王涯同年章事兼度支見上鹽鐵轉運

使綱八月詔諸王出閣蛤停進士試詩賦綱上患近

世文士不通經術李德裕請依楊綰議見五二罷詩

賦又言昔玄宗以臨淄王定內難見四七疑忌宗室

不令出閣議者以為幽閉骨肉虧傷人倫天寶玄宗號

之末建中德宗年號之初所以悉為安祿山朱泚所魚肉

者由聚於一宮故也陛下誠能聽其年高屬疎者出

閣又除諸州上佐使攜其男女出外昏嫁此則百年

弊法一旦去之海內孰不欣悅上曰茲事朕久知其

杜牧罪

不可。今諸王豈無賢才。無所施耳。於是下詔并停詩

賦。然諸王出閣。竟以議所除官不決而罷。**綱**加盧龍

治直隸永平府節度使楊志誠右僕射。**目**初以志誠為吏部

尚書。志誠怒不得僕射。畱官告使。齎授除官告身之使朝廷不

得已。加志誠僕射。別遣使慰諭之。杜牧憤河朔。河北

三鎮之桀驁而朝廷議者專事姑息。苟安也乃作罪言

作書名曰罪言謂不曰上策莫如先自治。中策莫如

取魏。魏博也。太和三年六月魏州軍亂殺其節度使

進酒為魏最下策為浪戰。不計地勢不審攻守是也。博節度使

杜牧

又傷府兵廢壞。見四八作原十六衛。見五四曰貞觀

太宗中。內以十六衛蓄養我臣。外開折衝果毅。見四

三府五百七十四。以諸兵伍有事則我臣提兵居外。

無事則放兵居內。其居內也。富貴恩澤以奉養之所。

部之兵散舍諸府。三時耕稼。一時治武籍藏將府伍。

散田畝。力解勢破。人人自愛。雖有蚩尤。見一為帥亦

不可使為亂耳。及其居外也。緣部之兵被檄。見一為帥亦

乃來。斧鉞在前。爵賞在後。見一暴交梓。見一豈暇異略。

雖有蚩尤為帥亦無能為叛也。自貞觀至於開元。見一

唐文宗

年百三十年間戎臣兵伍未始逆篡此大聖人所以

柄統輕重制部表裏聖算神術也至於開元末愚儒

請罷府兵武夫請搏四夷於是府兵內削產也邊兵

外作左傳昭公十一年末大必折尾中大乾左傳

僖公十五年外疆中乾言成燕偏重燕今直隸順天

外雖有疆形而內實乾竭府范陽節度治

也謂安祿山鎮范陽軒而天下掀然根萌燼盡燃矣

成其偏重之勢也木也蓋兵居外則叛居內則篡使外不叛內不篡

其置府立衛乎嗚呼文皇帝宗十六衛之旨其誰原而復之乎又作戰論曰河北見五十五視天下猶珠璣

牧豕論

季○璣珠也。天下觀河北，猶四支也。河北氣俗溫厚，

不圓者，果於戰耕，加以土息。風土健馬，便於馳敵，是以出則

勝處則饒，不窺天下之產，自可封殖，亦猶大農之家。

不待珠璣，然後以為富也。國家無河北，則精甲銳

卒，良弓健馬，無有也。河東。今山西平陽府盟津。見二卷滑

臺。見三四大梁。今河南開封府彭城。今江蘇徐州東平。今山東兗州府

盡宿厚兵，不可他使。六鎮之師，低首仰給。咸陽。見五

西北戎夷大屯，赤地盡取。始能應費，四支盡解。

頭腹兀然，其能以是久為安乎？誠能治其五敗，則一

五敗

戰可定。四支可生。戰士離落。兵甲鈍弊。是不蒐搜練之過。其敗一也。百人荷戈。千夫仰食。此不責實之過。其敗二也。小勝則張皇邀賞。貴極富溢。則不肯搜奇出死。以勤於戎。此厚賞之過。其敗三也。多喪兵士。跳調身而來。輕身而遁也。回視刀鋸氣色甚安。此輕罰之過。其敗四也。大將兵柄不得自專。恩臣敕使迭來揮之。此不專任之過。其敗五也。今誠欲調持干戈。灑掃垢汙。以爲萬世安。而乃踵前非。是不可爲也。

致堂胡氏曰。治天下而先自治者。堯舜三王不越是矣。而杜牧之以伐魏次之。則不知其所謂。

文士言近
似而實不

自治者何事也。若徒以復十六衛開五百七十
四府為自治之道，是非聖王所先務。貞觀之治
亦不專恃此也。故文士之言有
言近似而實不至者，此類是矣。

綱九月以鄭注為右神策見上判官。置書見注之**綱**

冬十二月上有疾，**綱**上始得風疾，不能言。王守澄薦

鄭注，上飲其藥，頗有驗，遂有寵。然上自是神識耗滅，

不能復故。

綱甲寅八年冬十月，以李宗閔同平章事。李德裕罷

為山南西道節度使。以李仲言為翰林侍讀學士。**綱**

初李仲言流象州。今廣西柳州府象州遇赦還東都，會畱守李

李德裕不肯用李仲言

逢吉思復入相。仲言自言與鄭注善。逢吉使仲言厚賂之。注引仲言見王守澄。守澄薦於上。上見之大悅。

欲以為諫官。真置之翰林。李德裕以為不可。上曰。逢

吉薦之。朕不欲食言。對曰。逢吉身為宰相。乃薦汝邪。

以誤國。亦罪人也。上曰。然則別除一官。對曰。亦不可。

上顧王涯。涯對曰。可。德裕揮手止之。上回顧適見不

懌而罷。仲言及注皆惡德裕。以宗閔與德裕不相悅。

引宗閔以敵之。上遂相宗閔。而出德裕於興元。今陝西

中府山南是日以仲言為侍讀。尋改名訓。綱令進士

合進士復
試詩賦

復試詩賦。綱以李德裕為兵部尚書。目德裕見上請

開京師故也。綱十一月成德節度見上使王庭湊卒

子元達自知畱後。目元達改父所為事朝廷甚謹。綱

以李德裕為鎮海節度使。目李宗閔言德裕制命已

行不宜白便。詔復以德裕鎮浙西。今浙江杭州府時

德裕宗閔各有朋黨互相擠援。上患之。每歎曰。去河

二李各有
朋黨
去朝中朋
黨難

北。見上。賊易去朝中朋黨難。

司馬溫公曰。君子小人之不相容。猶冰炭之不可同器而處也。然君子進賢退不肖。其處心也公。其指事也實。故謂之正直。小人反是。故謂之朋黨。若人主有以辨之。則朋黨何自而生哉。惟

其明不能燭遠不能斷邪正雜進威福潛移是以讒慝得志而朋黨之議興矣故朝廷有黨則人主當以自咎而不當以罪羣臣也文宗不能察羣臣之賢否而進退之乃怨其難治是猶不種不芸而怨田之蕪也朝中

之黨且不能去況河北賊乎

綱以王璠為尚書左丞鄭注深德璠李訓亦與之善共薦之

綱乙卯九年春正月以王元逵為成德節度使

浚曲江及
昆明池

曲江見五二及昆明池見十四**目**鄭注言秦地有蔡

宜興役以禳之也**綱**夏四月以李德裕為賓客分司

綱以鄭注守太僕卿兼御史大夫**目**注舉李款自代

曰加臣之罪雖於理而無辜在款之誠乃事君而盡

節人皆哂之。綱路隋罷為鎮海節度。見上使綱以賈陳

速同平章事。綱餽性褊躁輕率。與李德裕有隙。而善

於宗閔。鄭注。故上用之。綱影李德裕為袁州。今江西袁州府

長史。綱五月。以仇士良為神策。見上中尉。綱初宋申錫

獲罪。見上宦官益橫。上不能堪。李訓鄭注。揣知上意

數。以微言動上。上意其可與謀大事。遂密以誠告

之。訓注。遂以誅宦官為已任。二人言無不從。聲勢烜

赫。上之立也。仇士良宦者有功。王守澄抑之。由是有隙

訓注。為上謀。進擢士良以分守澄之權。綱六月。貶李

仇士良
訓注請罪

任
宦官為已

宗閔為明州

今浙江寧波府

刺史。秋七月，以李固言同平章

事。京城訛言鄭注為上合

蛤

金丹，須小兒心肝，民

聞驚懼。鄭注素惡京兆尹楊虞卿，與李訓共構之。云

此語出於虞卿家人。上怒，下虞卿獄。注求為兩省官。

李宗閔不許，注毀之於上。會宗閔救虞卿，上怒叱出。

貶之。虞卿亦貶虔州

今江西贛州府

司馬，而以李固言為相。

鄭注素本平之策

訓注為上畫太平之策，以為當先除宦官。次復河湟。

見四九卷六

次清河北，開陳方略，如指諸掌。上以為信，罷

任日隆，連逐二相，威震天下。於是平生絲恩髮怨，無

李珣斥鄭
森和

不報者。固以鄭注為翰林侍讀學士。貶李珣。江州

刺史。固注之初得幸。上嘗問翰林學士李珣曰。卿知

有鄭注乎。對曰。臣豈不知其人姦邪。陛下寵之恐無

益聖德。臣忝在近密。安敢與此人交通。至是以注為

工部尚書翰林侍讀學士。珣貶江州。今江西時注訓

所惡。皆目為二李。李德裕李宗閔之黨。貶逐無虛日。班列殆

空。固陳弘志。見上卷伏誅。固言罷為山南西道

節度使。以鄭注為鳳翔節度使。固初注求鎮鳳翔。今

西鳳固言不可。乃出固言鎮興元。見上而以注為鳳

翔府。固言不可。乃出固言鎮興元。二四

翔帥李訓雖因注得進及勢位俱盛心頗忌注託以
中外協勢以誅宦官故出注於鳳翔其實俟既誅宦
官并圖注也。綱以舒元與李訓同平章事。綱冬十月
殺王守澄。綱訓注請除守澄遣中使就第賜酖。見十卷
殺之。訓注本因守澄以進卒謀而殺之人皆快守
澄之受佞而疾。訓注之陰狡於是元和憲宗年號之逆黨
弑逆略盡矣。綱加裴度兼中書令。綱李訓所獎拔率
皆狂險之士。然亦時取天下重望以順人心。如裴度
令狐楚鄭覃皆累朝耆俊。久在散地。訓皆引居崇秩

李訓取重
以順人

由是士大夫亦有望其真能致太平者。不惟天子感之也。綱十一月李訓舒元與鄭注等謀誅宦官不克。以鄭覃李石同平章事仇士良殺訓注元興及王涯賈餗等。目始鄭注與李訓謀至鎮選壯士數百爲親兵奏請入護王守澄葬。仍請令內臣盡集送之。因令親兵殺之。使無遺類。約既定。訓與其黨謀如此事成。則注專有其功。乃以郭行餘鎮邠寧。見五十二卷十七王璠鎮河東。見上三使多募壯士爲部曲。以羅立言知京兆府事。韓約爲金吾衛大將軍。又與御史中丞李孝本謀。

甘露殿

風吹幕起

并注去之。宰相惟舒元興與其謀。他人莫知也。及是日。上御紫宸殿。百官班定。韓約奏左金吾聽事也。中庭後石榴夜有甘露。因蹈舞再拜。宰相亦帥百官稱賀。訓元興勸上往觀。以承天貺。上許之。先命宰相視之。訓還奏。非真。未可宣布。上顧仇士良帥諸宦者往視之。宦者既去。訓召行餘璠受敕。時二人部曲數百皆執兵立丹鳳門。見四十五卷二十外訓召之人。士良等至。韓約變色流汗。士良怪之。俄風吹幕。莫起執兵者甚衆。士良等驚走。詣上告變。訓呼金吾衛士上殿。宦者即舉

軟輿迎上。決殿後累恩。見十二卷一。疾趨北出。羅立言帥

京兆邏卒三百。李孝本帥御史臺從人二百。皆登殿。

縱擊宦官。死傷者十餘人。訓知事不濟。走馬而出。王

涯賈餗舒元興還中書。士良等命左右神策。見上十四。兵

五百人露刃出討賊。殺金吾吏卒千六百餘人。擒舒

元興王涯王璠羅立言等皆繫兩軍。明日百官入朝。

上御紫宸殿。問宰相何為不來。仇士良曰。王涯等謀

反繫獄。命左右僕射令狐楚鄭覃參決機務。使楚草

制宣告中外。楚敘涯等反事浮沉。仇士良等不悅。由

制令狐楚草

是不得為相。而以鄭覃李石同平章事。擒獲賈餗李

卒本。李訓為人所殺。傳

轉去聲。驛遞。

其首。左右神策出兵

以訓首引涯。璠立言。餗元與孝本徇

行于也。

於兩市

東。

也。腰斬於獨柳之下。親屬皆死。數日之間。殺生除拜

皆決於中尉。上不豫。知也。○鄭注將兵至扶風

今鳳翔府。

扶風縣。

知訓已敗。復還鳳翔。監軍伏甲斬之。滅其家。僚

屬皆死。石軍獲韓約斬之。士良等進階。遷官有差

雌。

自是天下事皆決於北司

唐分宦寺為北司。宰相為南司。

宰相行文

書而已。宦官自是氣益盛。迫脇天子。下視宰相。陵暴

朝士如草芥。每延英殿議事。士良等動引訓注折穿。相鄭覃李石曰。訓注誠為亂首。但不知訓注始因何人得進。宦者稍屈搢紳賴之。

用小人以
去小人

華陽范氏曰。文宗憤宦官之弑逆而欲除之。當擇賢相而任之。朝廷既清。紀綱既正。賞罰之柄出於人主。其元惡何之存。司正典刑而已矣。乃與訓注為詭計。欲用甲兵於陞城之間。不以有罪無罪皆夷滅之。名外寇以攻內寇。是以一敗塗地。幾亡社稷。非徒無益而愈重禍。蓋用小人以去小人。未有圍城音戚。不害及國家者也。圍城音戚也。

綱十二月詔六道巡邊使還京師。初王守澄惡宦者用全操等六人。李訓鄭注因遣分詣鹽

鹽州德宗改陰山府

靈

靈州故城在陝西寧夏衛城南

等道巡邊。詔六道使殺之。會訓敗。

六道得詔皆廢不行。至是召之。全操等追忿訓注之。

謀在道揚言。我入城。凡儒服者盡殺之。乘驛疾驅而

入京城。訛言寇至。民驚走。諸司奔散。鄭覃李石在中

書。覃謂石曰。耳目頗異。宜出避之。石曰。宰相位尊望

重。人心所屬。

視

不可輕也。今事虛實未可知。堅坐鎮。

之。庶幾可定。若宰相亦走。則中外亂矣。且果有禍亂。

避亦不免。覃然之。石坐視文案。沛然自若。綱以薛元

賞為京兆尹。

且時禁軍

即神策軍

暴橫。京兆尹張仲方亦

李石鎮定
訛言

薛元賞杖
殺神策軍
將

敢詰。之以薛元賞代之。元賞嘗詣李石第。聞石方坐
聽事。與一人爭辨甚喧。元賞使覘。詔不去二聲。寬視也。之云
有神策軍將訴事。元賞趨入責石曰。相公紀綱四海
不能制一軍將。使無禮如此。何以鎮服四夷。即命左
右擒出。士良名之。元賞曰。屬視有公事行當至矣。乃
杖殺之。而白服以見士良。曰。中尉。見上宰相皆大臣
也。宰相之人。若無禮於中尉。如之何。中尉之人。無禮
於宰相。庸可恕乎。中尉與國同體。為國惜法。元賞已
囚服而來。惟中尉死生之。士良無可如何。乃呼酒與

劉從諫表
謂王涯等
罪名

元賞歡飲而罷

綱丙辰開成元年春二月加劉從諫檢校司徒

義節度

見上

使劉從諫上表請王涯等罪名且言涯

等荷國榮寵安肯構逆訓等實欲討除內臣兩中尉

遂誣以反逆橫被殺傷臣欲身詣闕庭面陳臧否

鄙

恐并陷孥戮事亦無成謹當脩飭封疆訓練士卒如

姦臣難制誓以死清君側士良等懼乃加從諫檢校

司徒從諫復表讓曰臣之所陳繫國大體可聽則涯

等宜蒙

箋

洗

先上聲謂洗滌其冤也

不可聽則賞典不宜妄

今人以文
告事

不聞王者
爲詩

加安有死冤不申而生者荷祿因暴僕揚仇士良等
罪惡士良等憚之由是鄭覃李石粗能秉政天子倚
之亦差雖以自彊綱夏四月以李固言同平章事固
固言薦崔球爲起居舍人鄭覃以爲不可上曰公事
莫相違覃曰若宰相盡同則事必有欺陛下者矣上
與宰相語患四方表奏華而不典李石對曰古人因
事爲文今人以文害事上與宰相論詩覃曰詩之工
者無若三百篇皆國人作之以刺美時政王者采之
以觀風俗耳不聞王者爲詩也陳後主隋煬帝皆工

鄭覃篤於

經術

詩人浮薄

無益於理

於詩不免亡國。陛下何取焉。覃篤於經術。上甚重之。

上嘗欲置詩學士。李珣曰。詩人浮薄。無益於理。乃止。

上謂宰相曰。薦人勿問親疎。朕聞竇易直為相。未嘗

用親故。若親故果才。避嫌而棄之。是亦不為至公也。

綱閏月以李聽為河中今山西平陽府蒲州節度使。上嘗歎

曰。付之兵不疑。置之散地不怨。惟聽為可以然。綱秋

七月。以魏謩同謨為補闕。且李孝本二女配沒右軍。上

取之入宮。拾遺魏謩徵五世孫上疏曰。竊聞數月以來。教

坊見上選試以百數。莊宅收市猶未已。又名李孝本

魏謩諫德
李孝本二

文

女不避宗姓。大興物論。臣竊惜之。上即出之。擢暮為

補闕。謂曰。朕選市女子。以賜諸王耳。憐孝本女。孤露

孤而暴。故收養宮中。暮於疑似之間。皆能盡言。可謂

魏暮不忝厥祖

厥祖

魏暮諫觀史

愛我。不忝厥祖矣。後暮為起居舍人。上就取記。注觀

之暮。不可。曰。記注兼書善惡。所以儆戒人君。陛下但

力為善。不必觀史。上曰。朕常嘗觀之。對曰。此婦曰史

官之罪也。若陛下自觀史。則史官必有所諱避。何以

取信於後。上乃止。又嘗命暮獻其祖文貞公魏徵諡文貞

笏。忽鄭覃曰。在人不在笏。上曰。亦甘棠見三卷八之比也。

北亦甘棠之

尺木堂綱鑑易知錄卷五八

周之炯靜專

通鑑綱目定本

山陰吳乘權楚材同輯

周之燦

唐紀

文宗皇帝

綱丁巳二年春三月彗星

見五卷

出

書自是國無此異聞一歲而

以大喪書矣

綱夏四月以柳公權為諫議大夫。上對中

書舍人柳公權等於便殿。上舉衫袖示之曰。此衣已

此衣已三

三澣

緩也。

矣。時衆皆美上之儉德。公權獨無言。上問

其故。對曰。陛下貴爲天子。富有四海。當進賢退不肖。

納諫諍。明賞罰。乃可以致雍熙。服澣濯之衣。乃末節

耳。上曰。朕知舍人不應復爲諫議。以卿有諍臣風采。

須屈卿爲之。故有是命。**綱**以陳夷行同平章事。**綱**秋

七月。太子侍讀韋溫罷。**綱**溫晨詣東宮。日中乃得見。

現。因諫曰。太子當雞鳴而起。問安視膳。不宜專事宴

安。太子不能用其言。溫乃辭侍讀。**綱**冬十月。國子監

石經成。

詳三八卷二二。

綱李固言罷。

石經成

初公權有
諍臣風采

李石身
殉國

綱戊午三年春正月盜射石傷李石。綱以楊嗣復李

珣覺同平章事。李石罷為荆南今湖廣節度使。綱李

石承甘露之亂。見上卷人情危懼。宦官恣橫。忘身殉

國。故紀綱粗立。仇士良深惡之。潛遣盜殺之不果。石

懼辭位。上深知其故而無如之何。從之。綱以李宗閔

兄上卷為杭州今浙江刺史。綱夏五月禁諸道言祥

瑞。國太和文宗年號之末。杜悰鎮鳳翔。今陝西時有詔沙

汰。見四二僧尼會有五色雲見於岐山。在鳳翔府近

法門寺。見五六民閒訛言佛骨上見同降祥。以僧尼不

杜悰不奏
白兔

杜悰真先
覺

安之故。監軍欲奏之。悰曰。雲物變色。何常之有。未幾

獲白兔。監軍又欲奏之。悰曰。野獸未馴。且宜畜之。

旬日而斃。監軍不悅。畫圖獻之。及鄭注代悰。奏紫雲

見。又獻白雉。是歲遂有甘露之變。及悰判度支。見上卷二

河中。見上卷三二奏騶虞。仁獸。白虎黑文。尾長於身。足不履生草。食自死之肉。見百

官稱賀。上謂悰曰。李訓鄭注皆因瑞以售其亂。乃知

瑞物非國之慶。卿在鳳翔。不奏白兔。真先覺也。對曰。

昔河出圖。伏羲以畫八卦。見一卷六洛出書。大禹以敘九

疇。見一卷二五皆有益於人。故足尚也。至於禽獸草木之

瑞何時無之願陛下專以百姓富安為國慶自餘不

足取也。上善之。遂詔諸道有瑞皆勿以聞。**綱**冬十月

太子承卒。太子頗好遊宴。晚近小人楊賢。如日夜毀之。幾廢。至是暴薨。

綱己未四年春三月。司徒中書令晉文忠公裴度卒。

目度鎮河東。今山西太原府。以疾求歸東都。詔入知政事。正

月至京師。不能入見。勞去聲賜旁如午。凡物交橫為旁。午。謂使者分布。

也。至是薨。上怪度無遺表。問其家得半槩。以儲嗣。未

定為憂。言不及私。度身貌不踰中人。而威望遠達四

夷。四夷見唐使。輒問度老少。用捨。以身繫國家輕重。

裴度遺表
平泉

裴度比郭子儀

流品

系金身

卷五

三

如郭子儀者二十餘年。綱夏五月鄭覃罷為右僕射

夜陳夷行罷為吏部侍郎。綱以姚勛檢校禮部郎中

上以鹽鐵推官姚勛能鞠窮罪也疑獄命權知職

方員外郎右丞韋溫奏郎官朝廷清選不宜以賞能

吏上乃以勛檢校禮部郎中仍充舊職。楊嗣復曰溫

志在澄清流品。隋置九品品各有從自太師始焉謂之流內唐因隋制又置九品自諸衛

錄事及五省令史始焉謂之流外。若有吏能者皆不得清流則天下

之事孰為陛下理之恐似衰晉之風然上素重溫終

不奪其所守。綱秋七月以崔鄆丹同平章事。綱冬十

月立陳王成美爲皇太子。直楊妃請立皇弟安王溶

爲嗣。上謀於宰相李珣。非之。乃立敬宗。少子成美爲

皇太子。上傷太子之死。舊疾見上卷遂增。十一月疾

少閒。如字。坐恩政殿。召當直學士周墀。問曰。朕

可方前代何主。對曰。陛下堯舜之主也。上曰。朕豈敢

文宗自凡
月報漢獻

比堯舜。所以問卿者。何如。周赧漢獻耳。墀驚曰。彼亡

國之主。豈可比聖德。上曰。赧獻受制於彊諸侯。今朕

受制於家奴。以此言之。殆不如也。因泣下霑襟。擗伏

地流涕。自是不復視朝。

武宗以尊
位殺姪

綱庚申五年春正月立穎王瀾蟬為皇太弟廢太子
成美為陳王目上疾甚欲命太子監國中尉仇士良
魚弘志以太子之立功不在己矯詔立瀾為太弟以
成美冲幼復封陳王綱帝崩太弟殺陳王成美遂即
位綱賀善贊曰文宗恭寬勤儉多可紀者然深惡朋
黨而不知所辨欲去宦閣而不知所倚篇中所
載非二李之出入則訓注之始末也至於太子以暴
斃而不書暴太弟以矯詔立而不書矯綱且尤不滿
焉綱即位書遂譏遽也陳綱夏五月楊嗣復罷以崔
勣先嘗書之矣於是再見綱拱同平章事綱秋八月葬章陵在西安府富平縣天乳山綱李
珣罷九月以李德裕同平章事綱初上之立非宰相

致理之要在辨邪正

意故楊嗣復李珣相繼罷去。召德裕見上卷而相之。
德裕入謝言於上曰。致理之要在於辨羣臣之邪正。
夫邪正二者。勢不相容。正人指邪人爲邪。邪人亦指
正人爲邪。人主辨之甚難。臣以爲正人如松柏。特立
不倚。邪人如藤蘿。非附他物不能自起。故正人一心
事君。而邪人競爲朋黨。先帝深知朋黨之患。然所用
卒皆朋黨之人。良由執心不定。故姦邪得乘開。
處而人也。夫宰相不能人人忠良。或爲欺罔。主心始
疑。於是旁詢小人。以察執政。如德宗末年。所聽任者

宿令政事
皆出中書

惟裴延齡輩宰相署敕而已。此政事所以日亂也。陛下誠能慎擇賢才以爲宰相。有姦罔者立黜去之。常令政事皆出中書。推心委任。堅定不移。則天下何憂不理哉。又曰。先帝於大臣好爲形迹。小過皆含容不言。日累月積。以至禍敗。茲事大誤。願陛下以爲戒。臣等有罪。陛下當面詰之。小過則容其悛詮。大罪則加之誅譴。如此。君臣之際無疑閒矣。上嘉納之。**綱**

冬十一月。以李中敏爲婺州今浙江刺史。**口**內謁者監仇士良請以開府蔭其子爲千牛官名掌執御刀以宿衛者。

給事中李中敏判云開府階誠宜蔭子謁者監何由有兒士良慚悲惠李德裕亦以中敏為楊嗣復之黨惡之出為刺史

武宗皇帝

名瀍後更名炎穆宗第五子文宗崩宦者仇士良等立之在位六年壽三十三歲而

崩。帝英敏特達委任李德裕而澤潞平三鎮不敢有異志享國不末功業未究惜哉

綱辛酉武宗皇帝會昌元年春三月以陳夷行同平

章事**綱**殺知樞密劉弘逸薛季稜貶楊嗣復李珣遠

州刺史裴夷直

先是出為杭州刺史故事新天子即位兩省官同署名上之即位夷直漏

名故

驩州

見五卷六

司馬

目劉弘逸薛季稜有寵於文

杜棕奔馬
見李德裕

詔羣臣言
事母得乞
畱中

受法錄于
趙歸真

宗仇士良惡之上之立非二人及宰相意故嗣復珙
既罷士良屢譖弘逸等勸上除之於是賜二人死仍
遣中使就誅嗣復及珙杜棕奔馬見李德裕曰天子
年少新卽位茲事不宜手滑德裕乃與崔珙崔鄴陳
夷行三上奏願開延英殿賜對遂入泣涕極言上乃
追還二使更貶嗣復等綱夏六月詔羣臣言事母得
乞畱中目詔臣下言人罪惡並應請付御史臺按問
母得乞畱中以杜讒邪綱上受法錄于趙歸真道士
也
綱秋九月以牛僧孺爲太子太師目先是僧孺鎮襄

陽今湖廣襄陽府漢水在襄陽府城北溢壞怪民居李德裕以為僧

孺罪而廢之綱冬十一月崔郾罷

綱壬戌二年春二月以李紳同平章事綱以柳公權

為太子詹事目散騎常侍柳公權素與李德裕善崔

珙奏為集賢名學士德裕以恩非已出因事左遷之

綱夏五月陳夷行罷秋七月以李讓夷同平章事

綱八月以白敏中為翰林學士發書敏中為學士文

德裕素惡居易之事於下此乃李林甫元載盧杞目

之故智也德裕所為如此其相業不終豈不宜哉目

上聞白居易名欲相之以問李德裕德裕素惡居易

乃言居易衰病。不任朝謁。其從弟敏中辭學不減。居易且有器識。故有是命。

[綱]癸亥三年春二月崔珙罷。**[綱]**三月贈悉怛謀右衛

將軍。且李德裕言維州

見上卷十八

據高山絕頂。三面臨

無憂城

李德裕進論維州事

江。在戎虜平川之衝。是漢地入兵之路。自為吐蕃所陷。號曰無憂城。從此得以併力西邊。憑陵近甸。臣到西蜀。空壁來歸。南蠻震懾。山西八國皆願內屬。可滅八處鎮兵。坐收千餘里舊地。當時不與臣者。望風疾臣。詔執送悉怛謀等。令彼自戮。絕忠款之路。快兇虐。

之情乞追獎忠魂各加褒贈故有是命

綱夏四月昭

義節度

治山西潞安府

使劉從諫薨其子稹

自為留後詔

諸道發兵討之

目初從諫累表言仇士良罪惡遂與

朝廷相猜恨及疾病與幕

莫客張谷等謀效河北

五十諸鎮以弟之子稹為都知兵馬使至是薨稹祕

不發喪逼監軍崔士康奏稱從諫疾病請命其子稹

為留後宰相諫官多以為回鶻

見五五卷一餘燼未滅

去年八月回鶻烏介可汗入寇是年正月河東節度使劉沔擊回鶻大破之

備復討澤潞

即昭義軍澤潞今山西澤州潞安府

國力不支李德裕

澤潞與河朔三鎮不同

金史卷之八

卷之八

八

獨曰澤潞事體與河朔河北三鎮成德治直隸真定

名府盧龍治直隸永平府不同河朔習亂已久人心難化是故累

朝以來置之度外澤潞近處腹心一軍素稱忠義如

李抱真成立此軍德宗猶不許承襲見五五卷七敬宗不

恤國務宰相又無遠略劉悟之死因授從諫見五七卷十二

使其跋扈見五六卷二八垂死之際復以兵權擅付豎汝子

若又因而授之則諸鎮誰不思效其所為天子威令

不復行矣上曰卿以何術制之果可克否對曰穰所

恃者三鎮但得鎮鎮州即魏州即大名府不與之同則穰

真定府魏大名府

李德裕論
克劉稹

無能為也。若遣重臣往諭王元逵成德節度使庭湊子何弘敬

魏博節度使何進滔子初名重順進滔卒以重順為魏博節度使賜名弘敬以河朔自艱

難以來列聖許其傳襲已成故事與澤潞不同今將

加兵澤潞不欲更出禁軍其山東三州邢洛磁見下雲兩

鎮攻之賊平之日將士並當厚加官賞苟兩鎮聽命

不從旁沮撓官軍則稹必成擒矣上喜曰吾與德裕

同之保無後悔遂決意討稹羣臣言者不復入矣上

命德裕草詔賜元逵弘敬曰澤潞一鎮與卿事體不

同勿為子孫之謀欲存輔車昌遮之勢左傳僖公五年諺所謂輔

李德裕草詔

車相依唇亡齒寒者其虞號之謂也註輔頰輔車牙車言虞如牙車如齒在裏號如頰輔如唇在表號存則輔車相依號但能顯立功效自然福及後昆上曰滅則唇亡齒寒

當如此直告之是也又賜盧龍節度使張仲武詔令

專禦回鶻元達弘敬得詔悚息聽命德裕又以分司

賓客李宗閔與劉從諫交通不宜實置之東都奏以

為湖州今浙江湖州府刺史制削奪從諫及積官爵以王元

達何弘敬為招討使與河東今山西太原府節度使劉沔勉

河陽見五卷二節度使王茂元合力攻討綱以崔鉉同

平章事綱築望仙觀貫於禁中書法見三卷二二綱翌月丙

乘望仙觀
禁中

天子不可
令開

侍監仇士良致仕。臣上外尊寵士良。內實忌之。士良頗覺。遂以老病致仕。其黨送歸私第。士良教之曰。天子不可令平聲閑。常宜以奢靡娛魚其耳目。使日新月盛。無暇更及他事。然後吾輩可以得志。慎勿使之讀書。親近儒生。彼見前代興亡。心知憂懼。則吾輩疎斥矣。其黨拜謝而去。

致堂胡氏曰。士良狡黠。思所以蠱君者密矣。然知其利而不知其害者也。已無疎斥之道。以忠信謹厚服其職。亦何用蠱君。然後得安。苟欲自安。而蠱君至於危亡之地。則豈存君亡而我存之理。其禍豈止於疎斥而已哉。故士良之術。自以為智實則愚也。

李回
河北

綱秋七月遣御史中丞李回宣慰河北三鎮。見上詔

遣御史中丞李回宣慰河北。令幽州。今直隸順天府

早平回鶻。鎮魏。早平澤潞。回至河朔。弘敬元達仲武

皆具橐駝。見五六卷二二郊迎立於道左。不敢令人控馬。讓

制使先行。自兵興以來。未之有也。回明辯有膽氣。三

鎮無不奉詔。

綱甲子四年春三月以趙歸真為道門教授先生。綱

夏六月詔削仇士良官爵籍其家。綱秋七月以杜悰

同平章事。綱上聞揚州。今江南倡女善為酒令。敕監

杜悰得大臣體

杜悰比魏徵

軍選而獻之。監軍請節度使杜悰。不從。監軍怒。表其

狀。左右因請救悰同選。上曰。敕藩方選倡女入宮。豈

聖天子所為。杜悰得大臣體。朕甚愧之。遽敕勿選。召

悰入相。勞去聲之曰。卿不從監軍之言。朕知卿有致君

之心。今相卿。如得一魏徵太宗賢相矣。綱八月。邢洺磁見

卷二二三州降。郭誼斬劉稹以降。匡劉稹年少懦弱。押

牙王協兵馬使李士貴用事。專聚貨財。府庫充溢。而

將士有功無賞。由是人心離怨。邢州將裴問請降於

王元逵。洺州守將王釗昭磁州守將安玉。聞之皆請

降於何弘敬李德裕曰昭義根本盡在山東三州降

則上黨即潞安府昭義節度治也不日有變矣上曰郭誼潞都必

梟劉稹以自贖德裕曰誠如聖料潞人聞三州降大

懼郭誼王協謀說劉稹以兵授誼束身歸朝稹許之

遂殺稹滅其族函首遣使奉表降於王宰河陽行營攻討使

宰以狀聞宰相入賀上曰郭誼宜如何處之德裕對

曰劉稹驍聲上孺子耳阻兵拒命皆誼為之謀主及

勢孤力屈又賣稹以求賞此而不誅何以懲惡宜及

諸軍在境并誼等誅之上曰朕意亦以為然乃詔石

雄晉絳行營節度使將七千人入潞州。雄至潞州。盡執郭誼。

王協等送京師。皆斬之。

皆失

司馬溫公曰。董重質之在淮西。郭誼之在昭義。吳元濟劉稹如木偶。人在伎兒之手耳。始則勸人爲亂。終則賣主。規利其死。固有餘罪。然憲宗用之於前。武宗誅之於後。臣愚以爲皆失之。何則。賞姦非義也。殺降非信也。失義與信。何以爲國。如誼等流之遠方。沒齒不還可矣。殺之非也。

綱加李德裕太尉。賜爵衛國公。加李德裕太尉。衛

國公。德裕辭。上曰。恨無官賞卿耳。初。德裕以比年將

帥出兵。屢敗。其弊有三。一者。詔令下。軍前者。日有三

四。宰相多不預聞。二者。監軍各以意見指揮軍事。將

帥不得專進退三者。每軍各有宦者爲監使。悉選軍中驍勇數百爲牙隊。兌其有戰陳鬪者皆怯弱之士。每戰視事勢小却。輒引旗先走。陳從而潰。會德裕乃與樞密使楊欽義劉行深議。約敕監軍不得預軍政。每兵千人。聽取十人自衛。有功隨例霑賞。二樞密皆以爲然。自上行之。自非中書進詔意。更無他詔自中出者。號令旣簡。將帥得以施其謀略。故所向有功。河北三鎮。每遣使者至京師。德裕常面諭之。曰。河朔兵力雖強。不能自立。須藉朝廷官爵威命。以安軍情。語

李德裕面
諭河北使

者

去汝使與其使大將邀敕使以求官爵何如自奮忠

義立功立事結知明主乎且李載義為國家平滄今

隸河開景今河開府景州及為軍中所逐不失作節度使又

太和五年正月盧龍將楊志誠逐其節度使楊志誠

李載義七年六月以李載義為河東節度使楊志誠

遣大將遮敕使馬求官及為軍中所逐朝廷竟不赦

其罪大和七年八月加盧龍節度使楊志誠為吏部尚書志誠怒不得僕射重官告使朝廷不得已

矣由是三鎮不敢有異志此二人禍福足以觀

華陽范氏曰古之明王天下有不順者必諄諄面告教之再三不可然後征之則其民知罪而

用兵有辭矣。自唐之失河朔。或討伐之。或姑息之。不聞有文告之命。戒嚴之辭也。是以兵加而不服。恩厚而愈驕。李德裕以一相而制御三鎮。如運之掌。使武宗享國長久。天下有不平者乎。

綱冬十一月。貶牛僧孺為循州今廣東惠州府長史。流李宗

閔於封州。今廣東肇慶府封川縣。目李德裕言於上曰。劉從諫

見上據上黨。見上。十年。太和中入朝。僧孺宗閔執政。入

不畱之。加宰相。縱去。加以同平章事而遣歸鎮。以成今日之患。上

遂貶僧孺等。

綱乙丑五年夏五月。杜悰崔鉉罷。以李回同平章事。

綱秋七月。詔天下佛寺僧尼並勒歸俗。綱冬十月。以

諸僧尼並勒歸俗

道士劉玄靜為崇玄館學士固玄靜固辭還山許之

遂昌尹氏曰方書毀佛寺勒僧尼即書以劉玄靜為崇玄學士則其崇尚異端特存好惡偏私之異取非灼然明達不惑者也綱目特揭道士善之則是非得失瞭然見矣

綱十二月貶韋弘質為某官考異云為某二字固李

德裕秉政日久好徇愛憎人多怨之左右言其太專

上亦不悅給事中韋弘質上疏言宰相權重不應更

領三司錢穀德裕奏曰制置職業人主之柄弘質受

人教導所謂賤人圖柄臣謂執權柄之臣非所宜言弘質貶

官由是眾怒愈甚綱詔罷來年正旦朝會固初上餌

李德裕奏
貶韋弘質

武宗廢金
丹

道士以為
疾者

皇太叔

新金身金

卷五

方士方外之士金丹性加燥急喜怒不常問李德裕以外

事對曰陛下威斷不測外人頗驚懼天下既平願陛

下以寬理之使得罪者無怨為善者不驚則天下幸

甚上自秋來已覺有疾而道士以為換骨至是詔罷

正旦朝會

綱丙戌六年春三月立光王忱為皇太叔帝崩太叔

即位書終綱目書皇太叔一而已矣口稱太叔**國初憲**

宗納李錡見卷二五妾鄭氏生光王怡幼時宮中皆以

為不慧太和文宗以後益自匿及上疾篤諸宦官

宣宗隱德

毛髮灑漸

上京增八
寺後度僧

見

密於禁中定策下詔以皇子冲幼立怡為皇太叔更

名忱令權句

構

當軍國政事太叔見

現

百官哀戚滿

容裁決庶務咸當於理人始知有隱德焉上崩以李

德裕攝冢宰宣宗即位德裕奉冊既罷上謂左右曰

適近我者非太尉邪每顧我使我毛髮灑漸綱夏四

月尊帝母鄭氏為皇太后綱李德裕罷為荆南見上

節度使綱德裕秉權日久位重有功眾不謂其遽罷

聞之莫不驚駭綱趙歸真等伏誅五月詔上京增置

八寺復度僧尼

綱

武宗感於方士而廢斥浮屠宣宗
繼之綱誅趙歸真等即詔度僧尼

皆不顧理之是否惟務相反而已
綱以白敏中同平

章事
綱六月定太廟為九代十一室
復祀代宗以張文武宗自為一

代為九代
書開元嘗書增太廟為九室矣此其書定十一室
法何誠也廟有定制三昭三穆與太祖之

廟而七不可增也而增之非也增之
而多所改定亦非也故書定深識之
註年六月制增

太廟為九室
綱秋八月葬端陵
在西安府三原縣
綱以牛僧孺為

衡州
今湖廣衡州府長史李宗閔為郴
反丑森州
今湖廣郴州司馬

僧孺宗閔及崔珙楊嗣復李珣等五相皆武宗所

貶逐至是同日本遷宗閔米行而卒
綱九月鄭肅罷

以盧商同平章事
綱以李景讓為浙西
今浙江杭州府觀察

使。國初景讓母鄭氏。姓嚴明。早寡。家貧。子幼。每自教之。宅後牆陷。得錢盈船。母祝之曰。吾聞無勞而獲。身之災也。天必以先君餘慶。矜其貧而賜之。則願諸孤學問有成。此不敢取。遽命掩而築之。景讓宦達。髮已斑白。小有過。不免捶楚。弟景莊老於場屋。每被黜。母輒撻景讓。然景讓終不肯屬。祝主司曰。朝廷取士。自有公道。豈可效人求關節乎。綱冬十月。上受三洞法錄。法書前書受法錄於趙歸真矣。於是復書病。宣宗也。身。半。年。之。間。相。反。如。此。則。以。長。生。之。藥。足。以。藏。其。心。而。已。矣。

宣宗皇帝

名怡更名悅憲宗第十三子武宗崩子幼
官立忱為皇太叔嗣位在位十三年享

五十歲而崩。帝精於聽斷以察
為明無復仁恩自是而唐衰矣。

綱丁卯宣宗皇帝大中元年春二月以李德裕為太

子少保分司**目**初德裕引白敏中入翰林及德裕失

勢敏中竭力排之使其黨訟德裕罪故有是命**綱**盧

商罷以崔元式韋琬同平章事**綱**閏月敕復廢寺

是時君臣務反會昌之政
故僧尼之弊皆復其舊**綱**夏六月以令狐綯楚之

為考功郎中知制誥秋八月李回罷**綱**冬十二月

貶李德裕為潮州今廣東潮州府司馬

白敏中排
李德裕

綱戊辰二年春正月貶丁柔立為南陽今河南南陽府尉

初李德裕執政有薦丁柔立清直可任諫官者德裕

丁柔立諡李德裕寬

不能用至是為右補闕上疏訟德裕寬坐阿附貶

丁柔立克己正心之人

致堂胡氏曰公者君相之要道也李德裕政事公私參半是非莫掩宣宗去其非取其是則公道得矣乃又以奸惡偏黨勝之故雖寬德裕而人終不服也丁柔立必克己正心之人也使宣宗而留意公道則柔立正可獎用者乃不能然是自為偏私也欲臣子之奉公難矣

綱二月以令狐綯為翰林學士上嘗以太宗所撰

金鏡書名金鏡錄授綯使讀之至亂未嘗不任不肖治未

該太平以此言為首

嘗不任忠賢止之曰凡求致太平當以此言為首又

書貞觀政
要於屏風

願相公無
雅

綱鑑易知錄

卷五十八

十一

書貞觀太宗政要於屏風。每正色拱手而讀之。**綱**夏

五月。崔元式罷。以周墀馬植同平章事。**目**初墀為義

成節度

治直隸大名府滑縣

使。辟

壁也

韋澳

奧

為判官。及為相

謂澳曰。何以相助。澳曰。願相公無權。墀愕然。澳曰。官

賞刑罰。與天下共其可否。勿以己之愛憎喜怒移之。

天下自理。何權之有。墀深然之。**綱**秋九月。貶李德裕

為崖州

今廣東瓊州府

司戶。

綱冬十一日

韋琮罷。

綱己巳三年春正月。以韋宙為御史。**目**上與宰相論

元和

憲宗

循吏。孰為第一。周墀曰。臣嘗守土江西。

今

杜牧撰
丹道愛碑

西省治南昌府。開觀察使韋丹。功德被於八州。沒四十年。老

穉歌思如丹尚存。詔史館脩撰杜牧撰丹遺愛碑。仍

擢其子宙為御史。綱夏四月。周墀罷為東川。今四川

節度使。綱墀諫上開邊忤旨。遂罷翰林學士鄭顥。時

言於上曰。周墀以直言入相。亦以直言罷。上深感悟。

加檢校右僕射。夜綱以崔鉉魏扶同平章事。綱秋七

月克復河湟。見上卷綱冬閏十一月。加順宗憲宗諡。

號。綱宰相以克復河湟。請上尊號。上曰。憲宗嘗有志

復河湟。未遂而崩。今乃克成先志耳。其議加順憲二

廟尊諡以昭功烈
綱李德裕卒

華陽范氏曰裴度李德裕皆有功烈為唐賢相
大中以後無能繼之者德裕才優於度而德器
不及也蓋度不為黨而德裕為黨是以度雖為
小人所傾而能以功名終德裕一失勢而斥死
海上也雖牛僧孺之黨多小人德裕之黨多君
子然其因私以害公挾勢以報怨則一而已夫
惟天吏可以伐燕德裕自為朋黨而欲破朋黨
此以燕伐燕也孔子曰克伐怨欲不行焉可以
為難矣又曰君子矜而不爭羣而不黨德裕克
伐怨欲必行焉矜而爭羣而黨其能免也乎

綱庚午四年夏四月貶馬植為常州
今江蘇常州府刺史與

中人馬元
綱六月魏扶卒以崔龜從同平章事
綱秋

九月貶孔溫裕為柳州
今廣西柳州府司馬
綱党項
見五二

李德裕以
燕伐燕

為邊患發兵討之連年無功補闕孔溫裕上疏切諫

上怒貶之溫裕見五六之子也既而歿弟子吏部

侍郎溫業亦求補外白敏中謂同列曰我輩須自點

檢孔吏部不肯居朝廷矣綱冬十月以令狐綯同平

章事

綱辛未五年冬十月以魏謩同平章事謩時上春

秋已高尚未立太子羣臣莫敢言謩入謝因言今海

內無事惟未建儲副使正人輔導臣竊以為憂且泣

時人重之綱冬十一月崔龜從罷

畢誠此願
牧

綱壬申六年夏六月以畢誠為邠寧見五二節度使

目党項復擾邊上欲擇帥而難其人從容與翰林畢

誠論邊事誠援古據今具陳方略上悅曰不意願牧

廉頗李牧皆戰近在禁庭卿其為朕行乎誠欣然奉

命綱秋八月以裴休同平章事冬十月畢誠招諭

党項降十二月復禁利度僧尼

綱甲戌八年春正月朔日食罷元會綱秋九月以高

少逸為陝虢見五四觀察使目有敕使過硤治石

在陝忽餅黑鞭驛吏見血少逸以聞上責敕使謫配

令狐綯計
除宦官

恭陵其後上召翰林學士韋澳屏左右問之曰近
日內侍權勢如何對曰陛下威斷非前朝之比正開
目搖首曰至未全未尚畏之耳策將安出對曰若與
外庭議之恐有太和之變即憲宗太和九年甘露之變也不若就其
中擇有才識者與之謀上曰此乃末策朕已試之矣
上又與令狐綯謀盡誅宦官綯恐濫及無辜密奏曰
但有罪勿捨有闕勿補自然漸耗耗本字至於盡矣宦
者竊見其奏由是益與朝士相惡南北司見上卷如
水火矣國冬十月以李行言為海州今江南海州刺史

帖名

目上獵於苑北遇樵夫問其縣令為誰曰李行言為政如何曰性執有強盜數人軍家索之竟不與盡殺之上歸帖其名於寢殿之柱及除刺史入謝上賜之金紫見五十卷五取帖示之

乙亥九年春二月以李君奭為懷州刺史目初上

校獵渭上渭水上有父老十數聚於佛寺上問之對曰

醴泉今陝西西安府醴泉縣百姓也縣令李君奭有異政考滿

當罷詣府乞留故此祈佛冀諧所願耳及懷州今河南懷

府今河南懷刺史闕上手筆除君奭上聰察彊記天下奏獄吏

處分語

宣宗縣令才

卒姓名。一覽皆記之。嘗密令翰林學士韋澳纂次州縣境土風物。及諸利害。為一書。號曰處分語。他日鄧州今河南南陽府鄧州刺史薛弘宗入謝。出謂澳曰。上處分本州事。驚人。澳詢之。皆處分語中事也。

華陽范氏曰。宣宗挾摘細微。以驚服其羣下。小過必罰。而大綱不舉。欲以一人之智。周天下之務。而不能與賢人共天職也。譬如廉刻之吏。謹治簿書。期會。而不知為政。特一縣令才耳。豈人君之德哉。

綱秋七月。崔鉉罷為淮南今江南揚州府節度使。**綱**冬十一月。以柳仲郢為鹽鐵轉運使。

綱丙子十年春正月。以鄭朗同平章事。夏五月。以

韋澳為京兆尹。綱六月。裴休罷為宣武節度治河南開封府

使。目初上命休極言時事。休請早建太子。上曰。若建

建太子則朕遂為閑人

太子。則朕遂為閑人。休不敢復言。以疾辭位。從之。綱

冬十一月。以崔慎由同平章事。

綱丁丑十一年春正月。以韋澳為河陽節度使。目澳

韋澳辭為戶部

嘗奏事。上欲以澳判戶部。以心力羸耗。難處繁劇。為

辭。上不悅。及歸。其甥柳玘玘平聲仲郢之子。尤之。澳曰。主上

不與宰相僉議。私欲用我。人必謂我以他岐得之。何

時事浸不佳

以自明。且爾知時事浸不佳乎。由吾曹貪名位所致。

耳。遂出鎮河陽。

今河南懷慶府孟縣

二月。魏謩罷為西川

川成都府

節度使。上樂聞規諫。凡諫官論事。門下封駁。

苟合於理。多屈意從之。得大臣章疏。必焚香盥手而

讀之。嘗欲幸華清宮。

見五十卷二

諫官論之。上為之止。

魏謩諱有祖風

喜為相。每議事。正言無所避。上每歎曰。謩諱有祖風。我心重之。然竟以剛直為令狐綯所忌而出之。

也。風。我心重之。然竟以剛直為令狐綯所忌而出之。

綱秋七月。以蕭鄴同平章事。冬十月。鄭朗罷。綱遣

使迎道士軒轅

復姓

集於羅浮山。

在廣東惠州府博羅縣

書道

道士綱目
取二人

何處更求
長生

矣。綱目取二人焉。司馬承禎軒轅集是也。承禎不書道士。元之也。集亦在所予者。則其書道士何為迎之也。書音四司馬承禎見目上好神仙。迎軒轅集至長安。問

曰。長生可學乎。對曰。王者屏丙欲而崇德。則自然受

天遐福。何處更求長生。留數月。求還山。乃遣之。

綱戊寅十二年春正月。以劉瑑篆同平章事。**綱**二月

崔慎由罷。**目**上欲御樓肆赦。令狐絢曰。御樓所費甚

廣。事須有名。且赦不可數。上勃不悅。曰。遣朕於何得

名。慎由曰。陛下未建儲宮。四海屬祝望。若舉此禮。雖

郊祀亦可。況於御樓。時上餽方士藥。以覺燥渴疑忌

方深聞之俛首不復言旬日慎由罷相。

創藥以收者六七君

華陽范氏曰天下無異道未有衆人皆死而欲一己獨不死者也田秦漢以來乃有神仙服食不死之說故人心多惑聖道不明此其一端也而人主有甘心焉以唐考之自太宗至於武宗餌藥以敗者六七君亦可以為戒矣而宣宗又敗以藥至以儲嗣為諱惡豈不蔽甚矣哉

夏四月以夏侯孜同平章事五月劉瑑卒

七月河南北淮南大水國書盜賊之陰兆矣自是龐勳

遂以亡變不虛生信哉冬十月以于延陵為建州刺史

陵入謝上曰建州今福建建寧府去京師幾何對曰八千里

上曰卿到彼為政善惡朕皆知之勿謂其遠此階前

階前萬里

張日惟消一局棋

宜安重刺史之選

則萬里也。卿知之乎。令狐綯擬李遠杭州今浙江杭州府刺史。上曰。吾聞遠詩云。長日惟消一局棋。安能理人。綯曰。詩人託此為高興耳。未必實然。上曰。且令往試觀之。詔刺史毋得外徙。必令至京師。面察其能。否則後除之。令狐綯嘗徙其故人為隣州刺史。便道之官。上以問綯。對曰。以其道近。省送迎耳。上曰。朕以刺史多非其人。為百姓害。故欲一一訪問。知其優劣。以行黜陟。而詔命既行。直廢格閣不用。宰相可謂有權。時方寒。綯汗透重裘。上臨朝接對羣臣如賓客。雖左右近

習未嘗見其有惰容。每宰相奏事，旁無一人立者。威嚴不可仰視。奏事畢，忽怡然曰：「可以閑語矣。」因問閤閣細事。或談宮中遊宴，無所不至。一刻許，復整容曰：「卿輩善爲之。朕常恐卿輩負朕。」後日不復得再相見。乃起入宮。令狐綯謂人曰：「吾十年秉政，最承恩遇。每延英殿奏事，未嘗不汗沾衣也。」綱十二月，以蔣仲同平章事。自仲從容言於上曰：「近日官頗易得，人思傲驕。」上驚曰：「如此，則亂矣。」對曰：「亂則未亂，但傲倖者多。亂亦非難。」上稱歎再三曰：「異日不復得獨對卿矣。」

仲不諭尋拜相。

綱已卯十三年秋八月帝崩鄆運王灌上聲即位。

宣宗何藥
直殿於首

初上長子鄆王溫無寵愛第三子夔王滋欲以為嗣
為其非次故久不建東宮上餌李玄伯等藥疽發於
背宰相不得見上密以夔王屬和王歸長等三人使
立之獨左軍中尉王宗實素不同心三人相與謀出
宗實為淮南今江南揚州府監軍宗實已受敕將出左軍副
使其元實謂曰聖人不豫踰月中尉何不一見聖
人而出乎宗實感悟復入至寢殿上已崩宗實叱歸

小太宗

長等責以矯詔皆捧足乞命乃迎耶王立為太子權

是為懿宗宣宗性明察沉斷用法無私從諫如流重

惜官賞恭謹節儉惠愛民物故大中宣宗之政訖於

唐亡人思誅之謂之小太宗綱尊皇太后為太皇太

后李互伯等伏誅冬十一月蕭鄴罷十二月以

杜審權同平章事令狐綯罷以白敏中同平章事

懿宗皇帝名灌宣宗長子在位十四年壽三十一歲而崩。帝驕奢無度淫樂不悛李氏之亡

於茲決矣

綱庚辰懿宗皇帝咸通元年春正月浙東治浙江賊

裘甫作亂目初裘甫攻陷象山府今浙江寧波觀察使

鄭祇德遣兵討之大敗甫遂陷剡陝縣今紹興府開府

庫募壯士衆至數萬人綱葬貞陵在西安府涇陽縣仲山內綱三

月以王式爲浙東觀察使發諸道兵討裘甫破之綱

王式平浙東

夏六月王式擒裘甫送京師斬之目諸將還越府紹興

式大置酒諸將請曰某等生長軍中久更耕行陳今

幸得從公破賊然私有所不諭者敢問公之始至軍

食方急而遽散之式命諸縣開倉庫以賑貧乏或曰

軍食方急不可散也式曰非汝所

王式論用兵

何也。式曰：此易知耳。賊聚穀以誘飢人，吾給之食。

則彼不為盜矣。且諸縣無守兵，賊至則倉穀適足資

之耳，不置烽燧。

或請為烽燧以訓賊，式笑而不應。烽燧見四四卷十七，謂音兄去聲，候。

伺何也。式曰：烽燧所以趣促救兵也。今兵盡行，無以

繼之，徒驚士民，使自潰亂耳。使懦卒為候騎而少

給兵。

式選懦卒，使乘健馬，少給之。兵以為候騎，衆怪之，不敢問。何也。式曰：彼勇卒

操利兵，遇敵且不量力而鬪，鬪死則賊至不知矣。皆

拜曰：非所及也。綱秋九月，以白敏中為司徒、中書令。

綱冬十月，追復李德裕官爵，贈左僕射。

從右拾遺劉鄴之請也。

綱夏侯孜罷以畢誠同平章事

綱辛巳二年春正月白敏中罷以杜棕同平章事

綱壬午三年春正月蔣伸罷夏四月置戒壇度僧

尼秋七月以夏侯孜同平章事

綱癸未四年夏四月畢誠罷為兵部尚書誠以同列多徇私不

法稱疾辭位綱五月以楊收同平章事杜審權罷六

月杜棕罷以曹確同平章事綱秋八月以吳德應為

館驛使且臺諫上言故事御史巡驛不應忽以內臣

代之上諭以敕命已行不可復改左拾遺劉蛻退上

置戒壇度僧尼

言。自古明君所尚者。從諫如流。豈有已行而不改。且一
救。自。些。下。出。之。自。陛。下。改。之。何。為。不。可。弗。聽。**綱**冬。十

月。以。令。狐。滿。豪上聲為。詹。事。司。直。**目**初。以。令。狐。滿。為。左

拾。遺。拾。遺。劉。蛻。上。言。滿。專。家。謂。專。父。兄。之。權。無。子。弟。之。法。布

衣。行。公。相。之。權。起。居。郎。張。雲。言。滿。父。絢。用。李。涿。為。安

南。今。安。南。國。治。交。州。府。致。南。蠻。至。今。為。梗。由。滿。納。賄。陷。父。於。惡

綯。執。政。時。人。號。滿。白。衣。宰。相。滿。亦。引。避。故。有。是。命。

綱甲。申。五。年。春。三。月。彗。星。一。見。上。**目**彗。出。於。婁。宿。名。長

三。尺。司。天。監。奏。按。星。經。是。名。含。譽。瑞。星。也。主。大。喜。請

彗星為瑞

令狐滿白
衣宰相

宣示中外。於是編諸史策。從之。綱夏四月。以蕭寘

同平章事。冬十一月。夏侯孜罷。以路巖同平章事。

綱乙酉六年春正月。以杜宣猷為宣猷。見五十三卷十二觀察

使。宣官多閩。治福建福州府人。宣猷為福建觀察使。每寒

食。見五十二卷遣吏分祭其先塋。塚也宣官德之。故有是命。

時人謂之敕使墓戶。綱三月。蕭寘卒。夏四月。以高

璩渠同平章事。六月。高璩卒。以徐商同平章事。

綱丙戌七年冬十月。楊收罷。

綱丁亥八年秋七月。以于琮同平章事。

敕使墓戶

泗 龐勛亂徐

綱戊子九年秋七月桂州戍忽卒作亂判官龐勛勳

將之冬十月陷宿徐州囚觀察使崔彥曾十一月詔

遣廉承訓發諸道兵討之十二月賊陷滁和州攻泗

州不克○初南詔陷安南咸通三年南詔陷安南

上敕徐今江南泗今江南鳳陽府泗州募兵二千赴援分八百

人別戍桂州今廣西桂林府初約三年一代至是戍桂者已

六年屢求代還徐泗觀察使崔彥曾性嚴刻押牙尹

勛等用事以軍帑空虛不能發兵請令更畱戍一年

彥曾從之戍卒聞之怒都虞候許佶等作亂推糧料

判官龐勛為主。劫庫兵北還。所過剽掠。州縣不能禦。
朝廷屢敕崔彥曾慰撫之。彥曾遣使諭以敕意。道路
相望。勛至徐城。乃言於衆曰。吾輩擅歸。思見妻子耳。
今聞已有密敕。下本軍。至則滅族。與其自投網羅。曷
若相與戮力。并力也。同心赴湯蹈火。豈徒脫禍富貴可
求也。衆皆呼躍稱善。遂於遞驛遞也。中申狀乞停尹勣
等職任。彥曾命都虞候元密等將三千人討勛。復命
宿今鳳陽府宿州。泗州出兵邀之。密至任山。頓兵不進。欲俟
賊入館。乃擊之。賊訶兄去聲。也。刺音戚。刺探
知之夜遁。官軍

引沮步至符離。秦縣故城在宿州宿州戍卒出戰。望風奔潰。

會賊遂攻城。陷之。賊知彭城。卽徐州無備。還聚彭城。彥

曾始選城中丁壯爲守備。內外震恐。無復固志。賊至

城陷。因彥曾殺尹勣等。即日城中願從者萬餘人。詔

以將軍康承訓爲行營都招討使。王晏權戴可師爲

南北面招討使。大發諸道兵以討之。承訓奏乞沙陀

西突厥苗裔。本號朱邪。其地有大磧。名沙陀。後因以沙陀爲號。以朱邪爲姓。三部落使朱

耶耶赤心帥以自隨。詔許之。勛以李圓攻泗州。久不

克。遣其將吳迴代攻。晝夜不息。十二月。賊陷都梁城。

康承訓請朱邪赤心自隨

故城在鳳陽府盱眙縣都梁山下。據淮口。淮水漕驛路絕。承訓軍新

興。兵纔萬人。以衆寡不敵。退屯宋州。今河南歸德府。勛乃遣

其將攻陷滁。除州。今江南滁州。殺刺史高錫望。又寇和州。

和州。今江南。刺史崔雍引賊入城。賊遂大掠泗州。援絕糧

盡。辛讜。雲京之孫。喜任俠。以浙西。治浙江杭州府。軍至楚州。今江南淮安府。

賊水陸布兵。鏢。同鏢。斷短。淮流。讜募敢死士數十人。先

以四舟乘風直進。死戰。斧斷其鏢。帥衆揚旗鼓譟。而

前賊見其勢猛。銳。冒。避之。遂得入城。

綱。已丑。十年春二月。康承訓大敗賊將王弘。立於鹿

州。辛讜援泗

塘

寨名在河南開封府襄城縣

綱夏四月

龐勛殺崔彥曾自稱大

冊將軍與官軍戰大敗

勛走歸彭城

綱馬舉救泗州殺賊

將王弘立泗州圍解

六月徐商罷以劉瞻同平章

事**綱**秋八月賊將張玄稔

以宿州降引兵進平徐州

龐勛死賊諸寨皆殺其守將而降

綱冬十月以張玄稔為驍衛大將

軍康承訓為河東

見上

節度使杜慆

酒。泗州刺史完守備以待賊

李國瑛為義成

見上節

度使朱邪赤心為大同軍

治

之不克同府節度使賜姓李名國昌

辛讜為亳州

今鳳陽刺府亳州

朱邪赤心賜姓名李國昌

吳

綱庚寅十一年春正月貶康承訓為恩州今廣東肇慶府陽江

縣司馬路廉韋保衡上言承訓討龐勛時逗綱三月

曹確罷夏四月以韋保衡同平章事保衡始為右拾遺尚同昌公主

是年八月公主薨上痛悼不已殺醫官二十餘人收其親族三百餘人繫獄宰相劉瞻與京兆尹溫璋等

力諫上大怒北出之綱秋九月貶劉瞻為驩州司戶溫璋為振

州司馬見上劉瞻罷為荆南二節度使溫璋貶振州

今廣東瓊州府崖州司馬璋歎曰生不逢時死何足惜仰藥仰首

而飲卒韋保衡又與路巖共譖劉瞻云與醫官通謀

投毒貶康州今肇慶府德慶州刺史翰林學士承旨鄭畋

草制曰安數畝之居仍非已有却四方之賂惟畏人

知。嚴謂畋曰侍郎乃表薦劉相也。坐貶梧州。今廣西梧州府

刺史。嚴素與瞻論議不協。既貶猶不快。閔十道圖以

驩州。見上去長安萬里。再貶之。綱冬十一月以王鐸

同平章事。綱十二月以李國昌為振武。軍名治山西太原府代州

節度使。

綱辛卯十二年夏四月路嚴罷。出鎮西川今四川成都府綱五月

上幸安國寺。賜沈檀講坐二各綱以劉鄴同平章事。

綱壬辰十三年春二月于琮罷以趙隱同平章事。綱

秋七月以李璋為宣歙

見上

觀察使

目初韋保衡欲

以其黨裴條為郎官。憚左丞李璋方嚴。恐其不授。乃

先遣人達意。璋曰。朝廷遷除。不應見問。保衡怒。出之

綱癸巳十四年春正月遣使迎佛骨。夏四月至京師。

書法見五

目上遣敕使詣法門寺

見同

迎佛骨。羣臣

諫者甚衆。至有言憲宗迎佛骨。尋晏駕

見十卷

者上

曰。朕生得見之。死亦無恨。及至京師。儀衛之盛。過於

郊祀。

綱

六月王鐸罷。

綱

秋

七月帝崩。普王儼即位。目

上疾大漸。

病甚也。周書顧命疾大漸。

中尉劉行深韓文約立上少

子普王儼為皇太子。權句構當軍國政事。帝崩。太子

即位。時年十二。是為僖宗。綱八月。關東河南大水。綱

九月。貶韋保衡為賀州今廣西平樂府賀縣刺史。尋賜死。綱冬

十月。以蕭倣同平章事。十一月貶路巖為新州刺

史

